

23. oktober

UKA2018/133

Suliffeqarfissuit immikkoortortallit, suliffeqarfissuarni piginnittut aalajangersimasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat nalilersoqqissaaqqullugit inernalu UKA2019-imi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (“Transfer-pricing”). Matumani siunertarineqarpoq akileraartarnikkut pilersarutipalaalersorsinnaanerit pinngitsoor-tinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqqineqarnissaat.

(Inatsisartuni ilaasortaq, Henrik Fleischer, Siumut)

Inatsisartunut ilaasortap Henrik Fleischer, Siumut siunnersuutaa Transfer-pricing ukiorpassuannigortuni Inatsisartut avataanni oqallisigineqartuarpoq ilaatigut assigiinngitsor-passuarnik nassuiaasersorneqartarluni. Taamammat Henrik Fleischer-rip Siumumeersup siunnersuutaatigut Inatsisartut oqallisiginnilluarnissamik periarfissinneqarnerat siumumiit iluarisimaarparput.

Siumumiit pingaartillugu anguniakkatta ilagaat Nunatta aningaasarsiornikkut imminut napatilernissaa. Tamatumalu anguniarnerani suut periarfissaasinnaasut tamaasa atorluarlugit ingerlasariaqassaagut. Siumumiit takusinnaasatta ilagaat, avammut aalisakkanik allanillu soorlu aatsitassanik tunioraanitsinni Naalagaaffiup inatsisitigut aaqquussinerisa qangarsuarli nunasiaateqarnerulli nalaani atuuttut ilaat transfer-pricing aaqquussineq danskit nunasiaatimik aningaasarsiorfiginerini atorluarsimasaasa ilagisaat suli atorluarneqaqaluni ingerlarsortoq, piffissanngorpoq misissuiffigeqqissaassallugu. Siumumiit isumaqarpugut pisuussutitsinnit uumassuilinnit uumaatsuniillu avammut niuernitsinni tamakkiissumik aningasarsiutiginninnissarput sulissutiguartariaqarippit, aporfusartut piarlugit aammalu nutaanik aqutissanik pilersitsisarluta.

Transfer-pricing imaammat, suliffeqarfissuit angisuut arlariinnik immikkoortortallit Nunami allami Soorlu Kalaallit Nunaatsinni suliffeqarfissuaateqarlutik Danmarkimi anaarsualimmik, taassuma suliffeqarefissuup Nunatsinni suliffeqarfiutiminiik aalisakkat nunatsinni aningaasartuutini matussusiinnarlugit imminut Danmarkimi immikkoortortaminnut tunisarpai, taavalu Danmarkimiik nunarsuarmi akit naapertorlugit nunanut allanut tuneqqittarlugit soorunami iluanaarutitalerlugit. Tassaluuna taanna iluanaarut annaasaqaatigisarippit. Naatsumik oqaatigalugu avammut niuernermi Faktura tamakkiisumik 100 % akiligassartalerlugu Nunatsinniit nunanut tunitsivigineqartumut ingerlanneqartalerpat aatsaat nunatta avammut niuernera tamakkiisumik aningaasarsiutigilissavarput. Tassalu aamma qujanartumik taannaavoq RAL-ip avammut aalisakkanik assartuisarnermini aappaagumiit suliffeqarfissuarnut periarfissiissutiginiagaa aamma TV-kut ulluni makkunani paasisutissiissutigisaqattaagaa.

Siumumiit ilisimaarparput nunatsinni suliffeqarfiit ilaat ajunngitsumik siunertaqarluarlutik tranfer-pricing-imik atuinngitsut nunatsinniillu faktura 100 %-tiusoq atorlugu nunanut allanut tunitsivigisaminnut niuertartut. Kisianni nalusarput aanna suliffeqarfiit suut nunatta pisussutaanik

avammut niuernerminni aningaasat qanoq annertutigisut Danmarkimut toqqaannarlugu torartitytarneraat, tassalu taakkuupput ukiorpassuarni eqqoreqattaakkavut allaat oqattarpugut, ilumullimi aalisakkanik avammut niuernerput 100 % pissarsissutigisaraluarutsigu aalisagaannarnik nunarput aningaasatigut imminut napatileriissagalarpoq.

Taamaammat Siumumiik isumaqarpugut siunnersuutigineqartutut pisariaqarpat danskit Naalakketsuisui ikiorsiullugit Transfer-pricing-imik nunatsinniit atuineq qulaajaaffigineqassasoq, aammalu qulaajaaneq naammassippat Naalakkersuisut Inatsisartunut akkuaassiumaartut.

Naalakkersuisut akissutaat paasilluarparput, aamma qujanarpoq ukiaq manna ataatsimiinitsinni Imm. 191-sikkut inatsisitigut sukaterisuqassammat aamma nunatsinnut soorunamin iluaqutaasussamik, kisianni tassa taamaakkaluarpalluunniit Transfer-pricing-imik danskit inatsisaannik atuineq allannguuteqarnavianngilaq ingerlaannarumaarlunilu.

Siunnersuut Siumumiit pingaartikkatsigu Naalakkersuisunut kaammattuutigaarput transfer-pricing-imik qulaajaalluarnissaq anguniarlugu suleqatigiissitamik pilersitsisinnaanertik eqqarsaatigeq-qullugu.

Taamaammat siumumiik siunnersuutaasoq taperserlugu aningaasaqarnermut ataatsimiititaliami nalilensorluarneqarnissaa kaammattuutigaarput, pisariaqassappallu UPA2019-imi aappassaaneer-neqarsinnaanera ammaffigalutigu.

Karl-Kristian Kruse, Siumut